

陳氏荷華山房詩稿

其二

芙蓉長映大江寒，秀色千秋尚可餐。  
但使臨風窺石鏡，塵容憔悴若爲看。

其三

幾欲尋仙向此峯，白雲那許寄塵蹤。  
何當洗耳飛泉外，臥聽東林寺裏鐘。

其四

此際遙看疑畫裏，昔年曾別是夢中。  
欲知回首無窮意，九派長江萬里風。

遣興

風高目送千帆落  
雨急聲傳萬騎過  
廬嶽一登天下小  
江南四顧水雲多

旅中邂逅伯容文旋別憶之

見後相思恨轉深  
空船如水夜涼侵  
誰知一片關山月  
曾照連牀十載心

與伯容談佛理不合有詩解圍答此奉嘲  
濂洛無煩更問津  
年來洙泗亦生塵  
漾然一派曹溪水  
無限人間喚渡人

其二

丁有尾時翻是巧蛇無足處不爲奇須知此話  
從來久豈是王家叔獨癡

守歲

綠酒青燈夜不眠殷勤語笑好相憐千門一放  
鐘聲曉回首茲歡是去年

人日獨坐

柳色梅香欲斷腸不堪人日獨徂觴自緣貧病  
疎朋舊無復新詩到草堂

挽張泌泉判郡四首時乃郎以遺墨索題  
遂有末絕

野渡舟橫不見人  
爾來鷗鷺與誰親  
錦江亦是桃花水  
想逐漁郎去問津

其二

解綬歸來不記霜  
聞中日月洞天長  
只今黃石知無恙  
何處還尋張子房

其三

萬事都消一局棋  
客來常掩白雲扉  
如今去伴

商山老爲道人開敵手稀

其四

醉墨曾題賣酒家遺編更視數行斜紫雲閣上  
除仙吏何似當年蔡少霞

對酒偶成

踪跡飛蓬夏繫匏空山聊與白雲交年來頗曉  
人間事不學楊雄賦解嘲

其二

樽取家貲作酒費天衣幾與盡不須疑獨留篋裏

龍泉劍待與君王斬却支

讀楞嚴志感五首

生平不省學參禪  
開罷楞嚴意惘然  
頗疑佛性曾無性  
莫訝西天別有天

其二

覺海汪洋萬里渾  
區區形泡更誰論  
若知海泡無分別  
更破維摩不二門

其三

萬籟無聲靜九垓  
洪鐘一擊便如雷  
亦知聞性

非銷歇更問聲從何處來

其四

竹影齊翻大地金  
松風都是海潮音  
十方處處三摩路  
可但如來藏海尋

其五

佛理堪疑亦可嗟  
六根未論等空花  
試將炊黍看人世  
何處盛來不熱沙

再讀楞嚴有感作

時女春遊滄露華  
許多穠艷壓堆鴉  
歸來忘却



香生處誤認粧臺鏡裏葩

枕上作

秋風吹夢楚江頭  
江水迷空一葉舟  
醒後不知牕日曙  
翻疑月在荻花灘

戲題

暗壁低頭嬾應聲  
扶嬌顚怒大憨生  
不因萬頃遼西夢  
那識連枝帳底情

宮詞十首

擬唐人作閨雜時事

長樂宵鐘接曉鐘  
靚粧隊隊玉芙蓉  
歲華下遍

千門鎖知住瑤天第幾重

其二

春風澹澹薄牕紗聽得鴉兒吠  
落花試揭珠簾回首望昭陽日影帶寒鴉

其三

丙夜簫聲咽未與君王方進萬年觴  
日華移遍鴛鴦瓦誰信朝雲出岫長

其四

獻壽稱觴總內家  
杯黃無分拜南衙  
老璫頗記

先朝事朕閣頻呼學士茶

其五

龜茲部部按新班一送流霞一解顏不爲霄漢  
天樂好翻憐細語語人間

其六

驚聞新例說鋪宮懽底金錢少府空試問幾家  
沾雨露掖庭處處鎖秋風

其七

的歷珠明照綺羅龍宮顚顚出靈波不綠灑盡

鮫人淚那得寒光甲帳多

其八

聖主虔禋只禁闈祠官將享更無違齋宮久自  
疎龍輦不用甘泉諷處妃

其九

山山冶雪燭花光日日朱提進尚方歌舞筵中  
歡意足誰知不是愛新粧

其十

夜冷莎鷄作意啼角聲墮月鳳樓西六宮到處

秋如水非是羊車別院迷

得從兄信甫訃不勝哀感作四詩哭之  
萬里書傳事可疑未知直意如幾從前悔殺  
易分手道是人間生別離

其二

欲賦招魂咽不能蕭蕭客淚自沾膺尋思舊日  
難忘處風雨山房共讀燈

其三

楓林落月萬山重想爾孤魂度幾峯我欲相尋

憑遠夢白雲漠漠鎖寒松

其四

思君無事不堪憐念到孤兒更惘然縱有遺書  
堪挂角悲歌恐是上留田

河間道中追懷俊卿太守五首

燕寢香凝坐正閒忽聞馭鶴向雲間疑君自是  
神仙骨一到瀛洲更不還

其二

漢廷正重扶風守萬里催君蜀道回何事政成

旋羽化空傳白馬照燕臺

其三

素旒南飛慙不煎領城香炬結愁煙山亭父老  
還相送爭向爐頭火大錢

其四

步步回看下鳳城緹油誚復杭前旌至今齋閣  
清風滿彷彿猶傳坐嘯聲

其五

生離死別總愴神芳草池塘空復春莫恠哀歌

感行路曾爲康樂夢中人

道上望廬山四首

縵青橫黛黛蒼蒼  
霄間縹緲丹梯未可攀  
到得廬山如夢裏  
空能夢裏憶廬山

其二

眼着蒼翠白雲封  
虛度林巒一百重  
竹寺千秋難覓影  
虎溪今夕僅聞鐘

其三

四皓當年只避秦  
商顏竟別紫芝春  
不知匡裕



何爲者萬古茲山是主人

其四

結廬半世夢魂懸可道誅茅未有緣一派銀河  
長自瀉濯塵終自枕流眠

過居巢吊范增二首

鴉聲樹色送黃昏歇馬來投亞父村一笑興亡  
千古事俱同玉斗碎鴻門

其二

避世曾經七十年忽聞龍戰起操權當時只向

陽日有華...  
居巢老四皓商山豈獨賢

月中早發

夢斷關山漏欲殘  
角聲吹徹落梅寒  
多情昨夜高樓月  
猶爲征人照曉鞍

潯陽公館夜坐

潯陽公館夜燈斜  
風雨離人正憶家  
何似長安遷客恨  
空江月色聽琵琶

雨夜宿楓香驛示友

風雨淒涼泣路岐  
故人夜語對愁思  
預知孤館

寒牕燭應入他年感舊詩

潛山道中四絕

連朝急雨盪新秋官道紅塵得少休試問沙河  
爭渡處幾人洗耳向寒流

其二

漠漠平田煙水多可憐風日正清和貪看棲歛  
餘禾色和得豐年擊壤歌

其三

山光濃淡若爲容澗谷飛泉響石淙更是疎林

宜晚照輕煙點點透寒松

其四

到處行吟興不慳他鄉秋色且開顏却愁剪燭  
官亭夜偏向故人話故山

雨夜同宋直夫茂才談時事

秋氣偏生宋玉悲不因怨別淚還垂從來未了  
官家事藿食憂虞肉食嬉

其二

話別傷心輒泣然淒風苦雨夜牕前一杯強進

難成醉總爲憂深杞國天

道上逢北使進礦金方物四首

如雲北使擁南琛繞道紅塵驛騎侵不憚日馳  
三百里 君王亟欲滿瓊林

其二

五陵年少氣豪誇結東翩翩學內家大貝南金  
收海徼銀鞍白馬入京華

其三

跨盡炎荒並朔陸萬山寶氣接虹霓始知道物

爲爐意專助官家鑄裏蹄

其四

江山何地不儲胥總人貂璫奉掃除笑殺漢廷  
桑孔輩當年只解笑舟車

立春日書懷

自恨天涯歲月遲東風又發故園枝遙憐春酒  
北堂上婦子爭先爲勸持

元夜集葉思梅寅長宅醉歸作

醉裏歸來夜色新空齋獨坐轉冰輪回頭却憶

少年事遍逐香車踏軟塵

其二

春酒良宵樂未央幾曾消渴望天漿自從吏隱  
江湖遠不羨傳柑帝座傍

宮怨

幾年不奉監宮召今夕仍將玄的施薄命自來  
疎雨露秋風蕭颯聽羅幃

書陳山人允修江左瑯琊卷四首

清時大雅未應孤南國風流更有無不是論詩

逢爾輩那知此道寄江湖

其二

孤齋風雨動銷魂  
獨坐微吟日又昏  
却笑當年盧謝輩  
長持詩卷傍人門

其三

春城簫鼓幾曾聞  
車馬紛馳紫陌殷  
爾自新詩同謝眺  
不妨高臥對青山

其四

夕陽欲沒鳥衣巷  
野水爭流朱雀航  
六代風流



銷不盡還憑詩卷灑琳瑯

戲書

問字何人載酒過夕陽山色獨吟多始知廷尉  
門前雀不待官休已可羅

其二

九陌軒車如不聞空庭鳥雀尚堪羣世情若更  
到毛羽便合施羅向白雲

湖中問舟子

浪花稠疊擁孤航客思湖天相與長欲問都昌

何處是寒雲漠漠樹蒼蒼

舟次大孤山連日值風阻客懷殊惡賦此

自解三首

扁舟鎮日逗江干可道風波行路難  
滿目湖山如畫處雅牕好向霧中看

其二

長將書劍傍雲烟何處江山不可憐  
莫向蓬牕愁夜永青燈綠酒且留連

其三

客顏頻向醉中開  
鄉路還從夢裏回  
祇恐清宵眠未得  
北風遙送雁聲哀

題徐大夫素履圖圖凡十二各爲一絕句  
鯉庭一過有餘師  
束髮傳經早下帷  
欲識當年攻苦意  
短檠風雨夜燈時

其二

藻水侯宮壁沼清  
曾從羣少聽鶯聲  
總知無限東南寶  
一日爭傳片玉名

其三

鳴鹿歌來氣並雄同時才子讓詞鋒大兒魯國  
孔文舉小弟雲間陸士龍

其四

突兀黃金萬古臺漢皇宮闕在蓬萊五雲佳處  
爭翹首更美君家小鳳才

其五

誰請長纓繫尉佗使君一檄已投戈虛傳瘴癘  
連蠻徼霜月千山靜凱歌

其六

幾載巴山跋涉饒千章雲集壯東朝侍臣但說  
天顏喜長樂鐘聲在碧霄

其七

門下諸生總絕倫只因水鏡自無塵市駒獨取  
千金駿校獵先收一角麟

其八

題輿南望海雲蟠更擁戈船靜海澗萬疊鯨波  
長自寂一池明月夜珠寒

其九

仙仗初嚴玉佩趨九霄  
臚唱徹清都來儀盡是  
朝陽鳳爭識徐卿第二雛

其十

盛事長傳通德里  
璽書重下聖明朝  
滿床行見施唐笏  
七葉還聞擁漢貂

其十一

西疇春事忽相將  
短綽巾車春興長  
更向門前澆五柳  
誰言樵斧異桑

其十二

香山洛社風流遠誰向人間識老成此日賓筵  
看祭酒先生還是古先生

雪中送別

雨雪今年何太頻江南二月尚無春短亭不見  
新垂柳空向天涯別故人

呂王繩急索詩草因付梓賦三絕句爲謝  
空閨欲出更沉吟自笑當年學捧心任是捲簾  
徒惜影憐君一顧已恩深

其二

一枝秋色傍籬黃  
已是西風歇  
飛芳不爲幽人  
能獨採  
誰知三逕有寒香

其三

枯桐幾尺蘊宮商  
曾托寒崖見鳳凰  
一日清音生  
爨尾相知惟有蔡中郎

春莫

青山屋角出朝霞  
啼鳥墻頭怨落花  
欲識近來游子意  
雨中春色夢中家

陳氏荷華山房詩稿卷之二十三終



陳氏荷華山房詩稿卷之二十四

高安陳邦瞻德遠著

七言絕句七十一首

邢中貴席上戲贈

一曲新歌座上聞  
內家結束石榴裙  
若教更見巫山魄  
唱罷翻愁化彩雲

其二

桃花扇底度新歌  
轉盼橫生秋水波  
好置內頭供奉裡  
長隨織女渡天河

楊中丞凱歌

百粵連軍壓楚營  
旄旌持節此橫行  
蒼梧雲氣銷烽火  
湘水波濤洗甲兵

其二

溪山稠疊陣雲高  
落日蕭蕭偃大刀  
熊虎爭看驅百萬  
鷄豚原不犯秋毫

其三

千里居民安堵時  
家家牛酒犒王師  
道傍爭覩中丞節  
過盡前茅尚未知

其四

蠻烟瘴霧一時清  
密箒叢篁千里平  
行旅虛聞秋夜吠  
農田應見滿春耕

汪肇台宅賦時主人新得子

房櫳入夜月華新  
美酒清歌氣似春  
恹道寒光驚滿座  
元來君是美珠人

其二

盧家深院玉爲堂  
夜色氤氳別有光  
偕聞芳蘭生夢裏  
何如少婦鬢金香

寄朱揚州四絕

江北江南共水雲故人那復怨離羣  
妒他無賴揚州月盡取風流屬使君

其二

此去揚州一日過寄君還作揚州歌  
邗溝只似秦淮水應是尊前畫舸多

其三

汴水東來邗水深隋堤柳色萬行侵  
不知五馬行春處多少朱幡映綠陰

其四

摘星樓外月如霜  
楊子津頭潮水長  
二十四橋  
人不斷  
簫聲夜夜度凝香

齊王孫輓詩二首

秋風賓客散  
平臺夜雨雕欄長  
碧苔不必尊前  
曾授簡  
泠泠修竹使人哀

其二

舊京樓觀接雲霞  
春滿朱門帝子家  
人自吹笙  
天上去  
歲華猶鎖碧桃花

皖城道中紀興三首

皖關一峽度驂驪  
天色濶和是蔚藍草樹圍  
田花映水誰言江北異江南

其二

幾年歸興在青山  
隨路看山意更閒  
愛殺忘機雙白鳥  
山頭飛去水頭還

其三

杏蕊家家紅出屋  
柳絲處處綠垂溪  
平橋野店行人醉  
煖日輕風好鳥啼

過臨城寓廣壽禪院者數日矣值天雨晨  
夜不絕而客思甚適無羈旅之感友人胡  
繼善太學載酒相從依依不能別去談間  
有作遂成四絕

故人相對擁禪關  
尊酒論文未擬還  
山色最憐  
意外好流雲  
點點共心閒

其二

懶性從來簡  
送迎北牕幾得  
夢魂清却因一  
偈  
禪房榻償盡  
平生熟睡情

其三

禪關寂歷鎖雲蘿  
颯爾蕭蕭奈客何  
總爲故人情不極  
平原十日未須多

其四

濁酒寒燈夜雨深  
那知蕭瑟對愁襟  
獨憐身世能留滯  
不似空門不住心

臨城客寓偶讀戴德倫夜發袁江詩有感  
莫雨蕭疎楚水濱  
蒼蒼樹色暗江春  
不須更聽猿啼切  
屋上鳴鳩思殺人



上陽宮詞二首

春風虛度禁城東  
寂寂閑堦花自紅  
玉輦不離長信地  
朱顏空鎖上陽宮

其二

春花落盡上陽紅  
雲氣朝來望復空  
道是君王能重色  
肯教傾國閉離宮

偶書

春光君莫問何如  
三月鶯花夢裏虛  
風雨麥秋似寒食  
經旬牢落又僧居

塞上曲

邊城榆柳暗天山胡馬年來不入關壯士軍中  
無一事秋風日落射生還

少年行

春日長安輕薄兒章臺走馬醉歸時瓊枝萬點  
花爭笑金縷千絲柳盡垂

詠荷華山三首舊傳仙人王子喬丁令威  
君此山山上紅碧荷花一夜盡開故沼尚  
在山因此得名事甚奇管未有詠爲賦三

詩

仙山元自屬仙家  
仙子開壇傍古霞  
盡湧蓮花作山色  
山頭况復湧蓮花

其二

山頭雙沼瀉寒波  
紅碧蓮花種幾多  
仙子不留香未散  
移根應是上銀河

其三

雲中鷄犬去無譁  
寂寂空山日自斜  
仙子再迴鸞鶴馭  
人間更覩妙蓮花

熊氏舅病臥書齋夜坐相守值雨因成二

絕

山風吹雨雜泉聲榻擁寒牕夜自驚不爲焚膏  
餘舊態依依骨肉病中情

其二

聽風聽雨一檠明又到鷄聲殺五更莫記少年  
燈火意殘編今欲負平生

侍御朱諸卿抗疏論時事旋以給由遂成  
歸計賦此爲贈

遙聞桂席度江干  
楓葉蕭疎江水寒  
到處浮雲迷北向  
憐君何處望長安

其二

枚章字字射寒星  
爭羨手稜動漢廷  
幾度貴人能側目  
主恩不遣吊湘靈

其三

寒光千里逼人來  
望盡江天首獨回  
空向斗牛驚夜色  
不知劍氣近童臺

其四

憶管桓君按轡時五陵年少敢爭馳都門一送  
青驄後道路于今更避誰

其五

里門下馬入松蘿斗酒親知曲逕通總情憂時  
心獨苦別來霜雪鬢邊多

其六

桃李爭明燕雀高長安春意自滔滔卷阿何日  
歌鳴鳳萬里雲霄一羽毛

元夜

長安車馬鬧如煙  
憶管狂歌明月篇  
欲識村燈無限好  
家家簫鼓樂豐年

題壁

青山隱隱樹仍遮  
短圍低墻一逕斜  
懶向門前栽五柳  
併無人識是陶家

白下遊春曲

蹋歌連袂競青春  
南國容華千載新  
玉樹尚傳江左曲  
紅顏不讓後庭人

其二

橈子聯翩過石城，  
簾笑語不勝情。  
扶嬌更試邯鄲步，  
故曳羅衣踏草行。

其三

朱雀橋頭水浸霞，  
莫愁湖上柳吹花。  
鈿車寶馬知無數，  
絕艷猶疑掩碧紗。

其四

金泥香亂錦模糊，  
夾路靚粧總不殊。  
但道使君能借問，  
就中若箇是羅敷。

送簡兵部奉 恩詔歸省太公三首



鳳傳冊詔御烟青一日奎光動草亭任是江天  
雲霧遠何人不識少微星

其二

仙使西還四牡騑高壘獻壽主恩稀漢江芳  
草青迎綬楚嶺晴雲紫照衣

有以相人術來謁者戲爲二絕贈之

幾年吏隱傍湖山與在孤雲野鶴閒不合從君  
誇燕領壯心易動玉門關

其二

相對何人解息機  
只將火色說雄飛  
如君更憶  
華山法始信錢郎易拂衣

湖上

秋色湖光欲斷腸  
可憐蓮葉似橫塘  
晚風不見  
木蘭穢明月無人花自香

後湖曲四首

湖光一片入雲長  
風動荷花水自香  
涼夜無人  
秋寂寂獨留明月照紅粧

其二

玄武湖頭秋水波  
晚風蕭瑟月明多  
若教一棹乘流去  
便拂寒星入絳河

其三

涵風漾日自悠悠  
花氣如春樹色秋  
疑是天開圖畫處  
平鋪銀漢不曾流

其四

鵝鵲觀前新月亭  
鳳凰樓上曉雲經  
更開一鏡明湖色  
長照鐘山萬古青

送別胡澹源年丈三絕

風塵一謝少年場到處青山詩興長  
惟得流言生意以明珠無數滿奚囊

其二

秦淮煙水莫停槎古寺荒臺望裡賒  
六代繁華何處覓寒烟啼破白門鴉

其三

白雲遙望大江西彭蠡波寒雁影低  
君去揚帆須徑上愁聲一聽已堪迷

秋夜

金河秋冷雁南飛，月上千門共擣衣。  
莫嘆閨中心力盡，征夫無日不思歸。

自嘲三首

湖山傲吏日提壺，月俸還堪付酒壚。  
笑殺歲星饒大隱，漫將飽食羨侏儒。

其二

車馬無聲戶自扃，浩歌欲發酒初醒。  
墻頭樹愛秋來碧，屋角山爭霧裏青。

其三

三年吏隱意何如  
盡日看山與著書  
底事長安無一字  
元龍豪氣故難除

贈介石歐先生三絕句

薄宦還如邴曼容  
涇川曾寄白雲蹤  
一朝歸興秋風起  
笑指廬山五老峯

其二

臥看西山落戶庭  
風塵消息斷雲屏  
祇應明月滄浪夜  
鼓棹時登孺子亭

其三

洗藥澆花自往來  
條然三徑爲誰開  
不知彭澤栽新柳  
何似藍田對老槐

過采石

采石磯頭好醉遊  
蕭蕭疲馬去堪愁  
獨憐江夜嬋娟月  
空照仙人舊酒樓

黃澣

山館輶停日卓午  
出門斜照在平楚  
遠山一帶不知名  
堠人指點說黃澣

夜泊銅陵之順安鎮  
故人吳明府致餼甚

盛土人知客之爲明府舊也輒以歌童侑  
侑觴戲作二絕紀之

驛亭供帳故人將銀燭金尊夜未央不爲龜茲  
按新譜輕塵何事下雕梁

其二

故人交誼重雷陳遠道郇厨走八珍醉聽新聲  
俱白雪方知美政似陽春

東湖

東湖一壘水連空雁叫烏啼落日中欲吊番君



秋色遠蘆花漠漠起西風

陳氏荷華山房詩稿卷之二十四終

宿瑞虹下三十里有廢寺

空刹荒涼野渡西  
扁舟夜泊亂雲迷  
殘僧乞食知何處  
鐘磬無聲水鳥啼

江夜書懷時太夫人舟在後未至

溪聲鳴瀨夜潺湲  
明月扁舟又幾灣  
杯酒燈前兒女伴  
可能細酌慰慈顏

釣臺有故相國羅峯張公詩  
刺譏子陵不爲光武議禮失考南頓蓋自解也張公乘時創議遠附歐陽追恨師舟亦足矣與子

陵何涉而尚欲羅織之以爲已地其錮西  
原於亳北繫升菴於滇南與廷辯諸臣成  
終身不解之仇又何恠也讀之慨然爲賦

一絕

禮樂 先朝議一新衣冠流落最悲辛黃扉尚  
恨桐江叟况望金鷄赦逐臣

桐江舟夜二絕

散盡飛鴉合莫烟中流一棹尚留連桃燈不爲  
貪殘卷風雨江村怕獨眠

其二

細雨青燈夜未央  
金尊倒盡向繩床  
羈人欲覓無愁處  
只有醉鄉與睡鄉

舟夜書懷四絕句

從來歲莫易愁侵  
總爲天涯別恨深  
剛道團團官舍好  
依然游子望雲心

其二

草樹依稀認富春  
扁舟來去不辭頻  
辛勤總爲腰章貴  
羞殺羊裘把釣人

其三

青巒碧嶂疊崔嵬鎮日推蓬眼倦回  
却被山靈成獨笑使君不為看山來

其四

猿聲遙斷雁聲吞烟水冥冥雪浪層  
不把金尊澆客恨夜窻仍點讀書燈

題桂花美人效高季迪作

一枝金粟映香羅銀燭光搖夜色多  
共道畫堂如月窟不知若箇是姮娥

陌上花歌三首

吳越王妃每歲春必歸臨安王以書遺妃  
曰陌上花開可緩緩歸矣吳人用其語爲  
歌東坡守杭時爲作詩三首和如其數

面面相湖山錦繡圍君王去後自芳菲香車寶馬  
應無數日莫時歌緩緩歸

其二

玉帛如雲車馬催朝天門外重徘徊東京已作  
匆匆去南陌猶歌緩緩來

其三

蜀魄聲中日欲斜  
春光緩緩向誰家  
青樓猶唱前朝曲  
紫陌長飛舊苑花

後園絳桃

愁殺絳桃雙樹花  
後園春曉醉如霞  
無情爲倒尊中醪  
虛負芳妍美碧紗

偶閱遂昌雜錄所載  
褚雪巘先生事因作  
一絕記之

避世僧房忘曉昏  
空聞鐘磬落山層  
此中難着

尤宜撫一笑從今出寺門

春閨曲

曉起扶嬌向鏡臺  
靚粧欲罷重徘徊  
良人光寵生天上  
賜得金釵十二枚

閨中聞笛

玉笛傳聲入絳幃  
梅花落盡柳條飛  
江樓明月可憐夜  
那信春閨淚滿衣

語兒溼

翠蘿人向閨門日  
多以笙歌下語兒  
滿目烟波



千古恨夜深殘月似蛾眉

其二

吳越山川一水同越宮歌舞向吳宮可憐曾照  
西施月千載嬋娟影未空

題宗理宗宮中行樂圖三首圖在集慶寺

故闈妃葬處

湖山到處奉宸遊久道杭州勝汴州况是中原  
方虎鬪離宮歌舞未須愁

其二

黃袍前顧紫袍隨樂事宮中此一  
時春色錢塘  
渾似昔御街芳草正離離

其三

翠華王輦久成空南都烟花似  
惡中試問堙香  
何處是梵王宮作館娃宮

武林送別喻正字年丈三首

武林尊酒喜相逢煙雨正迷湖上  
峯總爲謝公  
遊興逼盡中指點認芙蓉

其一

六橋柳色蘸烟波  
載酒頻將盡  
舸過君自風流  
似年少竹枝好  
和越艖歌

其三

海天西去片帆懸  
醉裏匆匆別  
可憐欲盡平生  
期夜語他年聽  
雨對床眠

錢塘江舟中書感

鼓棹中流一浩歌  
魚龍何事亂烟波  
自憐長作浮家客  
目斷青山遠岸多

過懸履觀丙子秋  
落試曾宿其處

仙蹤曾向白雲留  
鐘磬聲餘古院幽  
三十年來如夢裏  
孤房猶記一燈愁

過華嚴寺時友人宋直夫讀書其地不及

訪

華嚴古剎紫烟重  
君住浮嵐第幾峯  
莫道山深無覓處  
馬前風度午時鐘

餘干舟行夜坐鄱陽值雨

扁舟遙下弋陽溪  
兩岸青山落照低  
試問行人何處泊  
芝山雨裏夜烏啼

七夕再賦

桂影金波溢露盤中宵無伴獨憑欄  
女牛莫嘆經年別須信人間此會難

上陽宮詞二首

龍輿鳳吹事茫茫白髮宮娃閉上陽  
庭樹花開還自落隨風容易出宮牆

其二

宮門長閉淨芳塵花落鶯啼思殺人  
莫嘆玉顏空自老鸞輿不動萬方春

從軍行五首

單于南牧下陰山  
風送胡笳滿漢關  
十萬軍聲齊上馬  
鐵衣如雪響刀環

其二

馬頭飛箭射天狼  
喋血長驅古戰場  
一騎風馳傳露布  
前軍新繫左賢王

其三

天山漠漠度高旌  
刁斗無聲鳥不驚  
月滿行營霜滿地  
漢軍一夜下龍城

其四

焉支山盡賀蘭山萬里神兵一日還壯士盡收  
金鎖甲將軍不老玉門關

其五

千門花色映簾鈎白馬金羈人盡樓少婦紅顏  
渾似咎相逢酌酒賀封侯

過王槐亭僉憲故居廬雨志感

山亭杖屨已無蹤水自潺湲雲自重記得對床  
聞夜雨寒聲依舊在孤松

雨中書所見

菜花初吐麥苗鮮  
雨色前溪帶落煙  
紫石黃泥歸路晚  
山村茅店自依然

偶讀白集杭州春望詩  
因懷舊遊戲以二絕志之

湖寺西南路渺然  
回頭猶記別離年  
春風處處生芳草  
那似裙腰綠可憐

其二

桃葉竹枝傳舊恨  
梨香柳色得生憎  
使君家本



無紅袖不記杭州梯帶綾

書齋夜坐

不是幽人夢不成拋書猶自坐殘更涼風似欲  
來亭畔聽取松梢作好聲

邗溝擬作

邗水遙通汴水濱龍舟過後欲生塵依然烟雨  
千年恨無數楊花落莫春

曲水道中

路滿春泥澗滿泉山迷雲樹草迷煙野田寂寂

斜陽裏和淚看花聽杜鵑

祥符觀

洪厓古殿繡莓苔碧落真人去不回  
丹竈無烟鷄犬靜春花寂寂洞門開

聞笛

寒聲吹落滿林霜羌笛悠悠夜更長  
明月客心同萬里欲隨歸雁度瀟湘

春雨不已書此撥悶二首

連宵風雨滿高樓獨坐寒燈對影愁  
自是在家

同作客江湖還記泣孤舟

其二

高樓風雨怯春寒欲啟柴門路未乾  
親舊多情憐老病書來總是問平安

送方廣文二絕

代兒駟作

送君西去武陵津洞口桃花幾度新  
遙想絳帷風動處如霞散作後堂春

其二

楓葉蕭疎落照明扁舟一去遠烟橫  
問奇亭畔

重回首無限當年載酒情

夜坐寓哀四首

纔對梧捲淚滿巾北堂寂寂更無春癡兒五十  
一頽墜慈母百年萬苦辛

其二

落日寒雲黯澹多空堂夜靜思如何庭鳥啼罷  
書聲少應是門人廢蓼莪

其三

信州刺史近還山

張帖

於越使君先閉關

陳亦

故里斑斕真計得賢哉二子汗吾顏

其四

四海知心董吏部閩山相送斷腸時解將苦語

傳深恨白日寒光射素旗

董見龍年兄獨知余私具載奠文

夜坐感事五首

少年輕俠慕橫行晚歲空縣學道情夜半燈前

勞屈指從頭事事總無成

其二

半世泥塗幸晚收卽潛十載任悠悠漫從江海

分符節報國無能已白頭

其三

南浦東林早已仙靈光何處夏歸然中宵試問  
螺川望劍氣如虹射斗天

其四

學士初聞際龍虎尚書早見畫麒麟馮唐偶爾  
未逢世鄧禹何緣解笑人

其五

元龍問舍求田日向子兒婚女嫁年湖海從來

空有客名山河處好尋仙

夜坐觀書志感

燈火辛勤記往年  
貧家有業是陳編  
自憐中廢  
慙詩禮回首庭趨淚  
泫然

雪後

楓林夕照映孤村  
殘雪依依在樹根  
目送寒光  
鴉背盡嵐煙  
溪霧共黃昏

送別

江亭尊酒恨難留  
一曲離歌雙淚流  
爲語多情

江上樹中宵牢繫木蘭舟

苦雨

霧滿平林雲遍野雨聲鎮日長如瀉山村破屋  
午烟稀老婦啼饑淚盈把

陂水

愁看秋壠欲生塵忽有長陂入眼新傍水餘木  
尚棲畝桔槔別作一村春

送別涂印玄山人四首

去年送別楚雲深空谷淒涼想足音肯向蕭齋



還面壁知君不負歲寒心

其二

隙裏光陰慶裏過偶然示病意如何心知不二  
門中法但問維摩覺已多

其三

伏枕辛勤早著書多君垂老憐三餘獨憐仰面  
能看屋已擲藏山歲月虛

其四

落木飛鴉望遠天關河一路入寒烟春來江水

平如雪興在林迴訪戴船

小園

寒聲朝暮咽啼鴉二月山園未見花惆悵向來  
遊賞處翻疑春色在天涯

途中始見花

肺病經春臥獨愁新晴仍喜及春遊山村處處  
桃花色轉覺吾廬地苦幽

讀劉幼安先生遺文二首

寒燈灑卷重欷歔視草空傳澗石渠總爲修文

地下早人間何處覓成書

其二

過眼年華秋復春  
下帷事業苦逡巡  
百年縱滿如飛電  
得就藏山有幾人

花下戲題

小桃臨水嬌無奈  
二七妖鬟差可方  
翠幙紅樓深不見  
空餘一樹斷君腸

寓言

孤枕殘燈夢復回  
青綾寒徹笛聲空  
思神女

爲雲雨不向陽臺夜半來

春盡

紅英飛盡綠枝新  
杜宇聲中思殺人  
幾回花前歡把酒  
一年虛負故園春

其二

春光欲盡強憑欄  
總爲多情淚暗彈  
漫向落花苦惆悵  
花開曾得幾回看

哭幼兒浙生四絕

桂樹參差陰滿墀  
兔寒蟾冷夜香知  
天風正好

吹金粟底事嚴霜恁見欺

其二

聰慧向來不復論  
纔思眉目已傷神  
那堪盡瀉西河淚  
五十九年愁病身

其三

匡床吊影大蕭騷  
伏枕支離病骨勞  
聽罷觀濤無起色  
愁聞小婦哭枚臯

其四

夜雨寒蛩不可聞  
心頭苦淚自纒紛  
想來漢浦

關何事虛把明珠報使君

紀異三絕句

東朝宮闕倚雲霄  
虎豹關嚴利衛遙  
何事清都縣白日突來封豕得騰驕

其二

燕山匕首入咸陽  
漢殿曾聞寶瑟僵  
天上蝦蟇能蝕月  
非關魚服始爲殃

其三

籍籍驚聞萬口傳  
掖庭事秘共茫然  
休疑禍水

侵炎德千歲蓬萊日正縣

卽景二首

山城東去幾長亭喜見人家竹樹青十里平田  
秋澗遠稻苗如霧水泠泠

其二

古道蕭疎野色長萬山煙樹共蒼蒼飛鴉盡落  
寒山外無數人家在夕陽

陳氏荷華山房詩稿卷之二十五終

陳氏荷華山房詩稿卷之二十六

高安陳邦瞻德遠著

七言絕句九十八首

琵琶亭

江上蕭蕭日多雨  
江船不遇胡琴女  
何人解作斷腸聲  
腸斷空亭獨無語

潯陽曲三首

江上垂楊且繫船  
江中風雨浪浮天  
當壚十五誰家女  
日向行人數酒錢



其二

楊花飛後荻花飛  
落得青樓淚滿衣  
日日南風吹五兩  
巴陵夫婿幾時歸

其三

誰道潯陽不上潮  
江風長送木蘭橈  
月明好似揚州路  
夜夜笙歌處處橋

黃梅縣戲題

黃梅心印傳來久  
一樹花開五葉齊  
解道菩提本無樹  
須知無樹不菩提

陶冲驛柳樹

驛亭柳色舊氍毹不致清陰似漢南試問斜陽  
疎影裏往來幾度照驂驪

其二

柳色飄搖青復黃春風暗換幾凋霜道旁老盡  
征人面愁見新條拂地長

呂亭

仙人一去雲冥冥驛舍長連柳色青何處笛聲  
吹落日坐令秋思滿長亭

塘荷

婉轉回塘錦樹圍  
月明曾照采蓮歸  
秋深霜露愁零落  
不見紅粧見綠衣

濠上

夢中化蝶已忘身  
濠上知魚別有神  
我自多方如惠子  
五車不是箇中人

其二

川上遙思嘆逝年  
寥寥此意向誰傳  
自從會得濠梁意  
一掃南華內外篇

淮岸

淮水清漣映碧空  
垂楊夾路颺輕風  
青絲白馬秋陰裏  
勝似西湖畫舫中

睢陽雙忠祠

陰風颯颯動荒祠  
血戰猶思嚼齒時  
月上中霄嘶石馬  
雲生萬里擁靈旗

其二

江淮保障此孤城  
河北平原亦出丘  
天寶亂離忠烈士  
都來天子不知名

漫興

秋天過雨碧於藍  
殘柳依依綠尚含  
官道紅塵新洗後  
馬頭山色似江南

柳泉

柳泉道上數株柳  
可憐折盡征人手  
烏啼日落君莫愁  
前路旗亭好沽酒

故薛城再賦

門下縱橫三千士  
邑中輕俠六萬家  
吹簫擊劍都何在  
愁見荒村古木斜

高唐戲書

高唐莫色正氤氲此地佳名兩處聞但得綿駒  
歌作雪何須神女夢爲雲

柳枝詞四首

千行柳色弄秋晴不減春光十里明白馬金羈  
官道裏翻疑畫槩越江行

其二

萬木經秋總未霜依然垂柳復垂楊獨無游女  
來攀折祇爲征人縮別腸

其  
三

快馬輕裘此一時青樓綠柳共離離  
長安大道三千里處處香風颺酒旗

其  
四

柳色青青柿子黃秋風院落斷人腸  
家家閒却鞦韆索不送神仙出畫牆

燕京曲八首

神兵軒后掃蠻尤九鼎  
文皇再奠周涿鹿今  
無鉅鹿戰幽州長作  
帝王州

其二

召公封域鎖盧龍長護燕山紫氣重歷盡胡塵  
汚不得萬年宮闕照芙蓉

其三

金銀宮闕自中天主第侯家繡陌連曲巷香塵  
來寶馬華堂翠霧擁神仙

其四

金粟雲輪委帝畿恩波如海盛時稀大官日  
饜侏儒飽天廐風嘶駿馬肥



其五

楊柳長青潞水津  
紫荊關塞四時春  
雲帆日轉江淮稻  
金甲長清漠北塵

其六

春風春雨送年華  
千樹萬樹玄都花  
莫怨秋霜易搖落  
依然錦繡鬪雲霞

其七

白馬金羈俠少年  
長安大道直如弦  
楊鞭挾彈童臺左  
笑入胡姬酒肆眠

其八

衣冠霞湧鳳凰城才子風流似長卿此日君門  
無狗監凌雲賦筆向誰驚

漫賦

平津高閣幾時開車馬門前去復來紫禁深沉  
槐影莫寒鴉啼盡客空回

九日

客裏登高悵別離西風白雁正堪悲酒酣細數  
尊前菊誤却天涯是故籬

至日

萬年枝上彩霞明  
帝日初長瑞靄生  
縹緲光風  
宮掖滿遙吹仙樂出華清

其二

長日天涯客思深  
高臺何處好登臨  
非同太史  
占雲物回首江南慰遠心

盧溝橋

百丈雕欄映玉虹  
銀河一派漾寒空  
何年更問  
支機石槎上張騫興未窮

高皇廟

古木蕭疎自一叢  
漢皇遺廟莫生風  
可憐多少長陵樹  
不及栖鴉落照中

旅夜

西山日沒隱啼鴉  
目斷任城路尚賒  
孤館寒燈來吊影  
客思一夜繞天涯

道傍新柳

春色侵陵半雪霜  
官亭二月柳初黃  
東風日夜吹煙雨  
會見柔條拂地長

道上望雲居

建昌雲居天下少  
稱漢浮空青未了  
可憐表足走風塵  
空能快背人雲鳥

戲詠風中柳一絕

弱柳翩翩態不支  
可憐楚女學腰肢  
華堂夜半燈前舞  
何似春風嫋嫋時

趙貴嬪墓宮作貴嬪爲  
潞藩寵人墓在  
王陵之右營建甚盛

芳魂早逐綵雲空  
影殿層層夕照中  
咫尺西陵

歌舞地憑誰灑淚落秋風

輝縣署中欲爲蘇門之遊賦此自嘲二首  
幾年作吏髮毛斑到處逢山只等閑欲向蘇門  
發長嘯白雲何地着塵顏

其二

黃塵赤日最堪哀聞道靈源一鏡開愛聽滄浪  
歌孺子却慙不是濯纓來

中秋

一曲長歌怨別離風光空復與秋期磁州月似

鄜州月香霧雲鬟不可思

客有以紅菊見饋者似點染所致戲題一

絕

霜根曾被胭脂染吐向東籬色映霞本與幽人  
爲伴侶無端却鬪女郎花

曉噪

鐘漏沉沉靜閉門夢回故國冷青綾漏聲欲絕  
禽聲發牕色朦朧入曉暵

燈下偶讀李義山夜冷絕句戲和

月色微微穿樹落風聲獵獵打牕來此中欲問  
西亭客翠被餘香好獨哀

卓文君

白頭何事苦悲吟只恨來凰別有心但使故人  
長故意可能新寡聽新琴

獨坐

綠樹陰移鳥語閒訟庭寂寂晝長關使君臥穩  
難乘興更少城頭一片山

漫占



年去年來行路難  
苦吟空得髮絲殘  
漫勞洗眼看除目  
那有詩人作要官

古謠

一東一西飛鳥翅  
一聚一散游魚隊  
一往一來路上人  
一顛一倒世間事

漫興八首

賈誼上書規漢室  
相如作賦重文園  
當年志意豪橫甚  
白首權頽空復論

其二

詩壇秀句寰區滿孰是名家更大家要共開元  
爭突兀不妨江左檀妍華

其三

苦將氣格別三唐才力諸公未可當須信驂騑  
非學步汗珠噴玉各騰驤

其四

宛陵去後黃陳出教外分明有別傳厭醉大官  
傾法釀飲風吸露閭崑顛

其五

國初詞客盡元才一日新篇氣象開始信繁花  
競春色神功端的屬風雷

其六

弘正以來多作者鯨吞鰲吸見豪雉雷同大雅  
非無辯別綴新詞合有功

其七

冥心幾度覓真筌不費鑿妍合自然赤水玄珠  
歸象罔素琴不鼓任無絃

其八

風塵歲歲滿簪裾卷帙生魚筆墨跡心在力疲  
千古恨名山河處見藏書

魏宮

總帳羅帷一夕空 聖陵歌舞泣秋風 月明疑塚  
都如水 獨鎖嬋娟永巷中

其二

應學巫娥化雨雲 泉臺有夢得隨君 自從腸斷  
分香後 瘦盡腰肢賸舞裙

獨立

秋聲萬樹欲凋殘，獨立高原怯莫寒。  
北望風霾空極目，日光誰信近長安。

屏風

雲母佳名重漢宮，雕欄六曲遶玲瓏。  
長將隔露還遮月，寒夜何曾障朔風。

邯鄲夢

萬事黃梁一夢空，道人此意亦匆匆。  
枕中尚有人間世，那得人間不枕中。

夜坐聞僧鐘

列戟圍墻門幾重漏聲隱隱落寒松鄰坊豈有  
高僧住無事閒敲半夜鐘

憶荔枝

閩山一別歲華長風味長懷十八娘想得凝脂  
纔露處絳羅襦褪紫綃香

偶占

江南江南春色早客子客子朱顏老黃鳥關關  
訴別情芳草綿綿思遠道

姜里

黃雲漠漠野茫茫  
浪易臺空古木蒼  
千載徇幽  
留絕響誰能清  
夜見文王

嵇侍中墓道

官道雙陸鳳巢崇  
九原蕭瑟起悲風  
行人那記  
蕩陰事指點猶聞說  
侍中

其二

典午顛危事已非  
孤臣萬死自如歸  
血精不化  
長弘血千古斑斕  
想帝衣

道上望太行

目送飛鴻去不還  
塵中車馬霧中山  
連峯忽露青爲頂  
疑有仙人縮髻鬟

酒池

平原一壘鉅橋東  
禾黍無憑吊故宮  
獨有春風猶似醉  
年年花發酒池紅

淇縣公署寓感

荒城寂寂似丘墟  
井屋蕭條桑柘疎  
管日聞歌今有哭  
無煩墨子更迴車

望雨



田北田南飛鵝鵠麥芽初吐已乾枯  
雨師從管解禽語好向樹頭高下呼

初柳

露點輕塵淨曉郊前旌迢迢度林坳  
薄寒漸盡柔風好已報吹青入柳梢

其二

淺綠新黃綴道邊含煙濯露自娟娟  
從來慣擅春風寵不待飄揚已可憐

童謠云楊柳樹倒生芽妹子嫁姊在家因

感其語爲賦一絕

陌上遊童把袂行  
暖風花樹暗啼鶯  
陽歌忽出斷腸句  
說盡人間晚嫁情

寓感二首

萬樹飛花九陌塵  
可憐憔悴洛城春  
自來費盡東皇力  
一夕風狂愁殺人

其二

一夕風狂愁殺人  
名園那更縮殘春  
不妨一粒蟠桃種  
贏得天邊雨露新

卽景

初日破烟金鏡吐餘霞曳水絳綃長春風白馬  
漳濱路贏得遊人興欲狂

楊花

不似章臺走馬歸灞橋長憶淚沾衣長條幾度  
愁攀折又見吹綿作雪飛

食笋

盤中春笋驚吾目便可三餐食無肉苦憶家園  
長籜龍空被南風吹作竹

司馬城二絕

在武陟縣西十里舊傳晉宣帝駐兵處

澹日荒煙麥壠斜  
風吹古道走平沙  
行人惆悵休回首  
司馬城頭噪晚鴉

其二

銅駝荆棘洛城秋  
南渡衣冠泣楚囚  
千載誰知生仲達  
空將姓號托荒丘

溫孟道中

驅馬風塵苦未還  
覃懷千役更間關  
萬家烟樹江南似  
夢眼渾看是故山

夏夜途中對月

黃沙赤日滿征途  
那解人間有玉壺  
萬里關河同夜色  
雲烟收盡月華孤

曉行書所見一絕

曉色淒迷樹半遮  
天邊圖畫屬仙家  
輕風曳霧連青黛  
淡日籠烟吐墨花

樹影

古墻樹影自橫斜  
遶樹行吟罷晚衙  
碧葉青枝爭入眼  
賞心何必更名花

白鼻騮

年少春乘白鼻騮  
鳴鞭飛去向誰家  
紅塵不動香風遠  
知傍青樓踏落花

再過美里賦

美里東流去不回  
黃蒿漠漠見孤臺  
夕陽斷處啼聲急  
千載猶疑赤雀來

野王二老

四皓當年遠避秦  
野王二老復何人  
區區肯羨雲臺蓋  
兩漢河山一聚塵

去年今日把霜枝爲憶東籬淚暗垂秋色再逢  
仍作客黃花白髮不勝悲

寄書

封書寄去有詩篇贈婦情如顧彥先遙想玉牕  
燈下淚翠眉低處濕雲烟

醉楊妃菊

華清浴罷把金卮玉頰微潮薄帶脂舞破霓裳  
香不散返魂歲歲托寒枝

有感

花色紅粧映薄帷  
掖庭宮女望恩時  
黃金買盡  
嬋娟籠照影如何是翠眉

寒夜怨二首

白頭吟罷恨仍長  
桃盡寒燈夜未央  
夢裏玉關  
何處是鴛鴦  
瓦上更新霜

其二

高城月落暗空閨  
苦憶征西人未歸  
獨坐不知  
更漏永  
白頭長自織寒衣



桐葉霜催墮  
牕急薄帷欲動  
寒風入遲  
徊對影  
勝孤眠無語  
燈前行復立

陳氏荷華山房詩稿卷之二十六終

刻荷華山房詩稿跋

賦之數行三之觸發於性情揮  
壘於襟趣之流衍在體樞御成  
趣還以質性情之所蘊合則根  
理不斷頽頽於化襟沉澁馳驟  
焉以解植其無聲之體而丹采

潤之孔為加於車初也昔人謂  
陳思王之詩其源出自國風善  
運安之世麗風未熾文率為簡  
古澹就其色肖形俾望不藻思  
蒸雲而義備文質裕是太羹玄  
酒之遺堯民忘飢風人之唇吻

不難龍衣而縮也難在渾逸不浮  
為太乙神鼎雖居煇冶之工而  
蒼然萬錢疑是天成且如草木  
之華臞艷競秀至近風歛靜態  
綺縠密盛之象象質任自然而  
不出之雕績是所稱文也而神

抒之懷袖風雲則興能皆竒點  
緩琳琅則景物在目初不與以  
鵲持符縲之而橫被六合功  
敵造化人力或不至此則得之  
養卷之自致者也今夫神龍之  
陸離耀彩其屈伸變化不可捫

也莫獨之截為竿笛其慷慨  
清所自為也者之為用不可  
捫之以為解澤遠之氣燠以悠  
揚瀉以澆潮取致在鹽橋而味  
失酸鹹之外第以鼓吹而還韻  
頽耳指顧可以驅浮艷歛嚙之

不日...  
間濯之雅奏望允溫厚和華得  
新賦之神即以得風人之神乎  
我

以遊心篇什望著作之壇且云  
十年趨饒得句云慮凡千此因  
詳其僅存者然圖明德性以自

暢於喙手而溫厚和平之味與  
渾恬冲正之儀型相若也雞林  
之布讀其文可以見其人矣人  
而以其文繪我公之德龍山斗真  
之允遠矣

萬曆戊午夏閏四月之吉屬下



吏糾谷王堯民預首嘗於鄴

云忠愛堂